




B. N. C.
FIRENZE
1086
10


1086 10














CYRIACI THRASYMACHI
DE JUSTITIA ARMO-
RVM SVECICORVM IN
POLONOS

Perque ea
Liberata à magno periculo
Germania

AD
ANDREAM NICANOREM
EPISTOLA.



EDITIO NOVA

Juxta exemplar Stetinense.

HELMESTADI

Excudebat HENNINGVS MÜLLERVS

CIO IO C LVI.



Rutilius de Roma.

IUSTIS BELLORVM CAVSIS, NEC PACE
SUPERBA

Nobilis ad summa gloria venit opes.

3.
CYRIACVS THRASY-
MACHVS ANDREÆ NICA-
NORI

AMICO SVO
S. P. D.

Nentidem ex me quæris, Amice, num quas ego censeam iustificas causas esse illorum armorum, quæ Serenissimus Potentissimusque Rex Carolus Gustavus, & Inclytum illud Suecorum Regnum in Poloniæ Regem & Rempublicam hodie movent: an item exitum bellum illud Polonicum Germanicæ saluti obfuturum, necne. De utroque enim per te dubium reddi, variis in utramque partem hominum sermonibus: non posse tamen non sollicitudine quidam duci cum Germaniæ quia patria est, tum Sueciæ, quia hæc dubie est Germaniæ à suis quondam oppressæ liberatrix, & adversus imminentia pericula præsidium. Si videlicet nullæ sint justæ Suecicorum armorum causæ, verendum esse, etsi initia feliciter succedant, exigentibus id forte Polonorum in Deum commissis, tandem tamen fatali ruina & illa vindictam iri, summo pariter Germaniæ dispendio. Ad hoc, quasi pro lorica fuisse hætenus Poloniam Germaniæ adversus barbaros populos, Moschos & Tataros: qua fracta videri nos jam impostero iri expositos eorum tyrannidi & incurisibus.

Ego vero agnosco animum amantem boni publici pariter & intelligentem. Non est autem quare te curæ quidem istæ mordeant. Etenim interdum injusta quoque arma, (quæ Dei est sapiens humanarum rerum administra-

tio, antequam magnus ille & terribiles dies justum sceleribus supplicium decerneret) diuturna satis felicitas excipit. Suecorum vero huic bello iustissimarum causarum, quales solent à populis & inter populos passim acceptari, nihil deficere: ac proinde non esse quod hætenus quidquam vereare: simul vero, nec fractis licet Polonorum rebus, periculum aliquod à Tatara Moschoque Germaniæ imminere, imo ab eo periculo nos hisce armis potissimum liberari, quoniam ita vis, docebo.

Poteras vero prius illud jam tum didicisse, si qua par erat attentione expendisses, quæ editæ sunt chartæ de causis novi hujus belli. Abunde enim illæ exhibent omnia, nisi quod brevitate sint fortassis tardiori cui Lectori nihil obscuriores. Non vacat sane culpa, quod illis lectum nondum acquiescas: sed vulgi sermonibus tanquam fluctu circummagi te patiaris.

Attamen, ceu promisi, jabo operam, ne quiste error amplius hac in re agitet; quoniam id postulat amicitia nostræ jus, & tua expectatio. Ordine igitur agam: initio belli hujus iustitia exposita; deinceps facti progressu ad id, ut metu libereris de imminente in posterum Germaniæ à Moscho & Tatara periculo.

Nisi autem vehementer fallor, armorum quidem iustitiam clare docuero, si ostendam duo: *per Polonos scilicet non per Suecos fuisse hætenus, quo minus dudum inter populos illos firma ac perpetua pax viguerit; Polonos porro multis modis induratarum leges fregisse, & a sancte hætenus à Suecis sine observata, ac proinde culpa sua latissima ante tempus arma hac in sese provocasse.*

Principio igitur tenendum est, bellum Suecis cum Rege & populo Polonico non demum nuper exisse, sed fuisse jam per annos quinquaginta sex; & quidem perpetuos;

nisi

nisi quod non æque annis omnibus illud ferbuerit, & semel iterum per inducias aliquamdiu fuerit quasi suspensum. Originem belli non Sueci sed Poloni dederunt. Nec enim Suecorum aliquis antehac unquam Polonorum quenquam læserat, multo minus rempubl. eorum aliqua affecerat injuria, donec Sigismundus infestis armis, ad-jutus valida Polonorum manu, patrium Sueciæ regnum anno 1598 adortus est. Infelicitè quidem conatus ille cessit Sigismundo ejusque auxiliariis, imò cum non desineret injuriar. Ordinibus Regni Suecici, quos penes jus illud erat. Præter ille est anno sequente & Regni illius dignitas, neque deinceps recuperare quidquam periculi fortitatis potuit: moliri tamen nunquam desit cum f. Polonis, clam palamve, prout vires ferebant, quo Regni Sueciæ statum subverteret.

Non repeta. a Carolo Rege hinc inde gesta. Simul gubernaculo Regni est admotus Gustaphus Adolphus, non multo post iterum more suo clausum cecinit Sigismundus: multum profecturus, nisi nondum Russico bello solutus facta sibi imprudentia fuisset rem aggressus, & in Sueciæ populo viguisset patriæ amor novoque Regi data fides. Agebatur tunc annus seculi hujus decimus sextus. Recitabo tibi illius moliminis historiam, non meis, non alterius, forte suspecti aut non satis rerum gnari testis, sed scriptoris Poloni verbis, quo minus dubites. Est ille Paulus Piasceius gente nobilis Polonus, dignitate primum Abbas Claræ-tumbæ, inde Episcopus initio Camenecensis mox Præ-misliensis, Regni Polonici senator, cujus prudentiam & candorem loquuntur quæ edidit Chronica. Is cum fecisset verba quadam de Comitibus Regni Polonici Ordinum, anno isthoc quem dixi habitis, pergit. *Substata quoq. Sigismundo Regi pro recuperando Regno Suecia fuerunt promissa. Ad*

hoc enim ille animum tunc magis quam unquam alias applicaverat, persuasus quod, dum Gustavus Rex adhuc esses aetate immaturus, facile ab ejus obsequio Sueci possent avocari. In quo negotio miserat quoque ad Regem Daniae suum Legatum Joannem Veiher Praefectum Pucensem, postmodum promotum ad Palatinatum Culmensensem, ut illius animum tempestive ad juvandas partes suas flecteret. Necvana erat talis conjectura, cum iste studia popularia necdum sibi devinxisset, & plures ibi adessent, qui illatas sibi à Carolo ejus Patre injurias aliqua occasione vindicare cuperent: si modo Sigismundus Rex tali opportunitati reiben. Verum de consilia cautiore conjunxisset. Verum omnia intempestive, praepostere, ac magis ad praeponendum hostem fiebant. Nihilquid istis cum Consiliariis Polonis conferebat Rex, sed cum Sueci ac Germanis tantum, qui pauci, illique rerum & praesertim belli ducenas inexpectantes in ejus Aula aderant. Michael Adolphus Comes ab Altheim, (qui etiam sub hoc tempus instituendo novum ad debellandos Turcas Ordine militum speciosius quam utilius laborabat) praecipuus belli illius arbiter in se receperat, quod 20 millia militum Germanorum conscriberet, & classe in Sueciam transporteret, qui tamen nullum experimentum comparandi exercitus, vel conquirenda classis habebat. Et nihilominus expeditionis istius moderatores, praesertim Franciscus Tenagel, (carcerem & tormenta à Matthis Imperatore propter arcana Rudolphi Imper. perpeffus) quem Rex Sigismundus Cancellarium Sueciae renunciarat, ac Gabriel Poze Suecus, illo bellico apparatu ab Altheimo promisso freti, (quasi exercitus in prociectu haberetur) bellum in Suecia divulgaverunt, typo impressis Regiis edictis per Provincias ibi sparsis, quibus populi illi contra Gustavum, uti illegitimum Regem concitarentur. Ac commoverat hoc non leviter eam gentem, rationesque Gustavi turbasset gravissimas, si ibi adfuisse praesto robur aliquod militare, cujus praesidio partes Sigismundianae fulsa succrescere potuissent. Sed cum ille copia & classes Altheimi nusquam apparerent, omnes earum partium ve-

um veriti exemplum, quod ibi tempore Caroli Regis multos simili-
bus Regis Sigismundi consiliis confisos frustratosq; perdidit, se-
se salvandis rebus continuerunt. Gustavi quoque tali prænun-
tio admonitus, tempus Regiam Labuit, ut in singulis Provinciis fide-
liores sibi rectores institueret, qui diligentius omnes hostiles con-
atus observarent, & Patrem imitatus, praevenire periculum maluit,
bellumque induxit in Livoniam anno subsequente.

Hæc Piaſecius. Narraverat ille jam tum ad annum
1613 nonnulla de Sigismundi in Sueciam inolutionibus, in
Comitiis Warſavienſibus, frustra tamen, agitatis. In recu-
peratione, inquit, Regni Sueciae subsidium à republ. tantis angustiis
pressa sperari non poterat: insinuatum tamen fuit, ut admoneretur
Ordines, quod Moschna, unde Rex in Sueciam divertere proposue-
rat, amissa, averteretur quoque tanta res bene gerende provin-
dicande illo Regni occasio, & bellum quod inde Livonia immineret,
meliori compendio Moschovicarum virium aversi potuisset. Narrat
idem in descriptione rerum anno 17 & 18 gestarum, expe-
ditionem Suecorum, classico Sigismundi excitorum, in Li-
voniam duce Farenſbachio institutam, ejusque proditione
post corruptam: ut &, quemadmodum majore felicitate
iple Rex Gustavus Adolphus anno 21 in Livonia Rigam
occupaverit, anno autem 23 Sigismundus nova clam agi-
tarit consilia de transferendo in Sueciam bello, quæ Gu-
stavi adventus turbaverit. Sed hæc nihil ad rem nostram,
eoque non est quare hoc loco repetantur.

Quamvis vero omnia infeluciter Sigismundo ac Po-
lonis, Gustavo autem Adolpho Regi ex voto quasi cesse-
rint, non tamen Gustavus Adolphus Rex Regni que Sueci-
ci Ordines pacem Polonis offerre. xquis conditionibus jam
tum anno 23 omiserunt. Non dissimulavit hoc Piaſecius.
Verba ejus hæc sunt de Rege Sueco: *Præ se ferebat ille tunc,
quod ad tractandam pacem insulparet: sed tum importune, absq;*
præpa-

preparatione, cum hoste tam superba ostentatione tumente, tractare, indignum videbatur. Stabat in anchoris nimirum prope Gedanum Gustavi classis, excita illo rumore de tradendis armis in Sueciam; impar erat gerendo bello Sigismundus, & tamen indignum scilicet, Polonis visum pacis oblatae consilia agitare.

Sequente anno 24, irritis Comitibus Warsaviensibus, ob populi Polonici dissidia, et si summe tenues essent Polonorum vires, Suecorum interim res in Livonia florere, rursum pax Polonis oblata fuit, sed frustra. Dabo iterum testem illum Piascium. *In privatis, ait, colloquiis Proceres, maxime Lithuani, Regi suadebant, ut consideret quod populi totius Regni bellis praeeritis exhausti, ad vocem tributi sumptusq. bellicos subministrandos induruerant, eoque bellum Suecicum difficilius duci possit: potius honestis mediis cum illo hoste transigeret. Ac proponebant condiciones pacis non indecoras, quas fidissimi Gustavi Regis Sueci familiares suggererant: nempe ut restituta regno Polonia Livonia, universam Esthoniæ & Finlandiam cum se successione in regno Suecia, si Gustavus decederet sine prole mascula, unus ex filiis Sigismundi Regis haberet: titulo quoque Regis Suecia Rex Sigismundus uteretur, dummodo Gustavus cum eodem titulo Regio Regnum Suecicum secure teneret. Sed nihil profecerunt.*

Anno 25 denuo pacem perennem, vel saltem longas inducias Polonis Sueci, florentissimis rebus, obtulerunt: iterum vero rejecti sunt à Polonis. En testem tibi illum eundem Piascium. *Præcipuum inquit, deliberationum Comitissæ caput fuit de bello cum Suecis Livonico: ad quod isti dum Inducia ad mensis Aprilem proximum stabilizarent, majores vires apparabant. Nec induci poterant ad prorogandas illas inducias in tractatu interim super hoc habito, nisi Rex Sigismundus eas longiores, nempe in multos annos esse veller, vel Suecia Regno se abdicaret, pacemq. faceret perennem. Et majores illi sumpserant animos,*

eam inaudissent in Conventibus Terrarum (qui antecedere solent Comitibus Generalia) Polonia Ordines à bello abhorre, suisq; Nun- tiis ad ista Comitibus mandata dedisse, ut nulla tributa pro impensis belli illius concederent; quibus Regem Sigismundum destitutum, etiam iniquiores conditiones pacis suscepturum Sueci sperabant. Nec eos fefellit conjectura quoad tributa; exigua enim fuerunt concessa & qua vix debito in prateritis expeditionibus contracto exolvendo sufficerent. Sed tamen Rex leges pacis aut induciarum ab ipsis propositas non probavit: quamvis Proceres evidentioribus argumentis reliqua Livonia jacturam & majora Reipublica in- commoda inde nascitura demonstrarent.

Vindicavit tam iniquam repulsam Deus, & illo qui- dem anno omnem Livoniam, excepto uno Dunemundo, sequente magnam Prussiae partem, donavit felicibus Sue- corum armis; Iaroslaviam quoque urbem, penu locuple- tissimum totius Poloniae, subito incendio perdidit.

Interea tamen Gustavus Rex tractatum pacis institui pe- tit, teste eodem Piafscio pag. 385 (utor editione Batavica) imò anno 27 per Legatos Hollandicos vel pacem vel tri- ginta annorum inducias amplissimis conditionibus offert Polono, sed, ut antehac semper, frustra. Audi quæso nar- rantem & hoc Piafscium. Legati Hollandicis abruptum de pace tractanda colloquium, adveniente ad castra Rege Sigismundo Mense Septembr. iterum instaurarant, & prope ad optatum fi- nem perduxerant, adniventibus Proceribus Polonia, Regemq; su- um pro tranquillitate publica deprecantibus. Tanto magis quod Gustavus omnium ablatorum restitutionem offerret, prater Ri- gam, quam ad plenam super jure successione in Regno Suecia, du- rantibus triginta annorum induciis, fac-eundam decisionem, reti- nere voluerat. Sed totum illud negotium pene maturum, evertit nova Regi de recuperando Regno Suecia spes injecta ab Austriacis, quorum intererat, ut Gustavus bello Polonico distineretur & à

Germanicis rebus averteretur. Ad finem enim tractatum, cum postmodum pacis leges concludi & publicari debuissent, advenerat cum Stanislao Rakowski ab Hispano Rege missus Gabriel Roy, & paulo post ejus collega Baro de Auch, qui promissit: quod intra duos menses Regis Hispanie impensis, classis viginti quatuor navium bellicarum in sinu Baltico comparanda esset, eiq. imponendi duodecim mille milites, à Valstenio jam ad hoc destinati, in Sueciam trajicere, ibiq. sedem belli figere deberent, ac impensis Regis Hispanie sustentari, donec bellum duraret: Ad quod ducenta millia talerorum Imperialium in collybis se habere promissa dicebat. Tam speciosus itaq. promissis confusus Rex, induciis pro Regno Sueciae, quod vivens illis auxiliis recuperare maturis, longioribus subscribere renuit, & rebus infectis Varsoviam rediit ad Comitiam Regni.

Delusus fuerat ab Hispano Sigismundus, adhuc classem novem instructissimarum navium perdiderat, Gustavo contra pleraque feliciter successerant; hic tamen promptus fuit ad acceptandas inducias, interventu Galliae & Angliae Regum, ex usu Poloniae potius quam suo anno 29 pactas, Sigismundus vero perdifficilis. Diserte idem testatur Pialecius; Regem talem pacem improbasse. Exoratus tamen, addit, à Senatu, ut bellum illud tam difficile ad feliciora reipubl. tempora differret, eam suscepit, approbareq. publico Ordinum decreto permisit. Audi vero fides & Stanislaum à Kobierzycko Kobierzicki, Castellani Gedanensem, florentissimum historiae Vladislai Principis scriptorem. Verba ejus haec sunt l. II. pag. 926. Tandem bellum illud Prutenicum quod ultra quadriennium gestum erat, induciis in quinquennium stabilitis conquievit. At Rex Sigismundus difficulter in eas consenserat, & antea multoties sollicitatus ab Ordine, ut honestius, quas offerebant Succi conditionibus, vel perpetuam, vel plurimum annorum termino circumscriptam conficeret pacem, neve
tempubl.

rempubl. molesto implicaret bello, nunquam adducere potuit, spei in-
jecta ab Austriacis ultra modum memor tenaxq., quam illi ad re-
superandum patrum regnum fecerant. Multa alia idem il-
le laudato ante loco narrat, quæ luculente docent, quan-
tum inhiarit etiam tum Sigismundus vanis Hispanorum
promissis, de invadenda Suecia: plura forte additurus, nisi
illum classis Hispanicæ, quam Hollandi post Trompio duce
deleverunt, consilia latuissent.

Tertius insecutus annus Gustavum pariter & Sigis-
mundum extinxit. Nemo tamen non facile videt, quam-
diu quidem Gustavus potitus est rerum, per Polonos ste-
tisse solos, quo minus firma pax inter utrumque regnum
coerit. Eluxit tunc idem studium pacis in Gustavo, et-
iam defuncto jam Sigismundo, quod ad Polonicum Sena-
tum interregui tempore missio Legato, studiose illum mo-
nuerit ea agere, quæ imposterum paci componendæ pos-
sent prodesse. Narrabo & rem illam verbis Piasceij qualia
habentur pag. 452. Orator (inquit) ille reperitis longo tempo-
rum ordine principis cuncta Polonis cum Suecis amicitia, eandem
fata malo interruptam, cum jam, inquit, obicem fori removeris (Si-
gismundum Regem innuebat, ne verbo tamen eum lasi aut nomi-
navis) facile reconciliari posse, Suecorumq., studium ad hoc non
desere asserebat. Iteratiusque Orationis sue argumentis persua-
dere conabatur, ut Ordines dum sui juris essent, & priusquam Re-
gem eligerent, ea omnia, quæ reconciliationem hujusmodi, pacemq.,
tractandam impedirent, tollere studerent. Nempe ut non elige-
rent Regem ex Regis Sigismundi filiis, nisi prius isti renunciarent
hereditati Regni Sueciæ: quod unicum pro renovanda cum Regno
Polonia pace perpetua Succus Rex exposcebat. Responditq., ei Ar-
chiepiscopus ac Mariscallus Equestris, Rempublicam à pace justa
& honesta non abhorreere, & circa electionem Regis ea qua è Re-
publica futura essent, curare velle. Tandem anno 35 pactæ
funt

sunt Stundorfianæ postremæ induciæ in annos sex & viginti. Etiam tñm vero Sueci pacem maluissent: impediverunt autem Vladislaus Rex ejusque fratres, & quibus eorum favor potior fuit quam salus publica. Diserte Piascius pag. 480. *Et quidem propositum omnibus erat, universas inter hæc Regna controversias sopire, solidamq. in perpetuum pacem stabilire. Sed cum Rex Vladislaus cum suis germaniæ fratribus, uti Sueci requirebant, titulo Regis Sueciæ, & jure hæreditaria successionis in Regno Sueciæ abdicari (licet hoc circa suam inaugurationem Polonus syngrapha secretiori caverat) omnino nollet; non nisi induciæ ad annos viginti sex, nempe ad undecimam mensis Julij diem, Anno Christi 1661 fuerunt stabilite. Imo ipsæ illarum induciarum leges pacis studium in Suecis manifestum fecere. Reddiderunt enim hi Polonis Elbingam, Mariæburgum, Dirschaviam, Brunsbergam, Pilaviam, & in universum omne quicquid Prussiæ occupaverant, sola Livonia sibi retenta; simulque pepigerunt, ut durantibus induciis semel atque iterum de pace componenda ageretur.*

Nec vero etiam illas de pace tandem aliquando constituenda tractationes Sueci, quantum in ipsis fuit, intermiserunt. Bis magnis factis sumptibus, & corrogatis hinc inde Mediatoribus, Legati Lybecam illi fini missi sunt. Advenerunt quidem & Polonici. Sed hi primo statim congressu non dubitarunt producere tabulas plenipotenciales, quas appellant, non tantum multis vitiis refertas, verum tales etiam, quibus Polonus Rex Sueciæ Regem sese diceret, atq; ita Regnum Sueciæ sibi palam vindicaret. Vetitum id omne diserte erat legibus nuperis induciarum, atque adeo ne quidem salvis induciis id licebat; quæ potuit hoc ergo tolerari cum de componenda pace ageretur? Nonne aperte illud nudavit, statim circa initia, a pace alienum animum? Serio moniti Poloni Legati à Legato Galliæ Regis, nego-

negotiorum pacis mediatore, agnoverunt etiam ipsi delictum, polliciti intra tres quatuorve hebdomades, emendata hac culpa, novis tabulis iusto Suecorum Commissariorum desiderio se satisfacturos. At quid sit? Abeunt dies, abeunt hebdomades indietæ, magna sumptuum, maxima temporis jactura. Conventi iterum Polonici Legati, postremo affirmant: *non se fuisse a iustis Regem suum de omittendo titulo Regum Sueciæ compellere.* Non temere quidem id crediderit haud nescius, quanta procerum Polonorum in Regem sit auctoritas. Esto vero. At si Rex contra pacta conventa ne titulo quidem illo voluit abstinere, & si Commissarii ejus certum fuit, hoc etiam indignum facinus approbare, nonne liquet Polonis studium pacis, tum sane, ne quidem fuisse cordi?

Frustraneum hunc de pace primum congressum excepit non multo post alter. Et si enim iusta indignatione moti Sueci potuissent secundum conventum Polonis denegare, noluerunt tamen in se quidquam desiderari eorum quæ ad pacem reducendam faciunt; quo tandem aliquando quieti publicæ Regnorum consuleretur. Legati Suecici exhibuerunt suas quas vocamus plenipotencias. In iis nemus quidem aliquid quod reprehenderet, potuit invenire. Polonorum vero tabulæ inscriptum quidem illum titulum non dederunt; in sigillo tamen & Regni Sueciæ insignia pariter & Regis Sueciæ nomen aperte præ se tulerunt. Quod est altera manu lapidem altera panem porrigere. Et vero hoc quoque ludibrium ipsis induciarum legibus receptisque moribus adversari, agnovit ipsemet Zadzechius, caput Legationis Polonicæ regni que magnus Cancellarius; agnoverunt Angliæ pariter & Fœderatorum Belgico-Germaniæ Ordinum Legati, pacis tractatum futuri mediatores, Quæsti hanc novam injuriam

quidem sunt Sueci & quidem jure merito; paratos tamen sese ostenderunt non modo ignoscere & huic culpæ, sed expectare Lybecæ emendationem, quo integris tabulis procuratoriis tandem aliquando sanctum pacis negotium liceat aggredi. Urserunt illam emendationem Moderatores etiam atque etiam. Frustra & hæc omnia. Post longam tergiversationem responsum denique est à Polonīs: *Regem suum Cosackis debellandis occupatum vix admissurum sigilli mutationem: usq; id persuaderi possit, non tamen ibi in promptu fore artificem sigillis sculpendis idoneum.* Quasi vero ingens opus sit sigillum sculperc, & si non in castris, tamen in vicinis oppidis desint id qui præstent. Ita denovo Polonicum Rege suo, ne id quidem, quod paci componendæ ceu fundamentum ex pacto jam sublatum erat, ratum habentes, adversum paci animum palam præ sese ferre haud sunt verecundati.

Paulo antequam Regni aviti sceptrā in usitato exemplo deponeret Serenissima Christina, advenit quidam Holmīam Legatus à Poloniæ Rege missus ad Reginam Canazilius, affirmans Regem Regnique Poloniæ Proceres, suos Legatos plenipotentiis exacte instructos in Sueciam missuros, qui de pace transigerent: Sed quis prudens non advertit, tantum in speciem hoc actum, non serio, post elusos binos illos per induciarum leges indictos solemnes de Pace congressus? Imo quis non suspicetur aliquid monstri Legationem illam aluisse; utpote quum ipso illo tempore novanda esset Regni Suecici administratio, quam sibi uni jure deberi Rex Polonus noluerat hæcenus vel leviter dissimulare?

Procandore suo, & qua pollet, animi generositate, non potuit hoc noviter tum constitutus Rex Serenissimus Carolus Gustavus dissimulare; nec tamen etiam ita ipse

ipse defuit, ad seriā de Pace tractationē vel tandem
aggregiendam, Regem Proceresque Polonos invitare.
Hinc per ipsummet Regni Sueciæ Magnum Cancellarium,
ut senio gravem ita meritis longē Illustrissimum, Oxen-
stiernam, Cānzilio iussit responderi. *Se quidem teneri sin-
gulari desiderio componendi isthac diuturna & cruenta utriusq;
Regni dissidia: sed antecedentium temporum vestigiis admoni-
tum vereri merito, vel eadem quæ hæcenus data sunt ludibria
& injurias, vel rerum inania & elusoria procrastinationes. Nec
vero fas esse aut satis ex decore, perinde ut factum antehac: postu-
landis mediatoribus molestiam Regibus & Principibus exteris
creare, specioso apparatu quasi maxima acturos in conspectum or-
bis prodire, at mox obice agendis rebus injecto discedere. Quo lu-
dibrium vicinis gentibus, inter Regna pacanda mutua sufficiones,
animi conciliandi ad magna odia commoventur. Induciarum
legibus per binos, etsi irritos, congressus, à parte Sueciæ abunde esse
satisfactum. Cum primis eo, quod Regis Polonia ludibriis semel
iterumq; in primo Lybecensi conventu Suecia ignoverit. Quod
idem Rex solemniter per actus primi congressus admonitus, non
dubitaverit etiam alterum congressum iisdem prope ludibriis
rumpere, id vero vel patientissimi Principis animum ledere. Si
tamen etiamnum cordis sit Polonia Regi pax certa, solida, & dura-
tura, prætermittis tandem aliquando illis inutilibus præjudiciorum
injuriarumq; plenis legationibus, veniret ille & Respubl. Polonica
per idoneos plenipotentarios ad rem ipsam pacis, sine ulterioribus
ambagibus, & quidem veniat cito. Experturos Polonos in omnibus
Regiam suam aquanimitatem. Dissidia Regnorum Suecia & Polo-
nia alias gentes non tangere. Solo longo annorum decursu merito
esse debere oblitterata. Quo compendiosius eo rectius componi
omnia. Sinon placeat Regi & proceribus Polonia ea pacis compo-
sicio, nihil sua interesse. Profuturum tamen, si Legatus nullus
redeat non satis munitus facultate componenda pacis, Sin, fore id
sibi*

sibi certo documento, non pacis desiderio, sed quocumq; alio potius consilio ambages illas insitui. Et vero si pergant Poloni mittere eos Legatos qui sese orbemq; universum decipiant, aut literas iuribus dignitatig; Regni Suecia derogantes, non posse non sese tot documentis edoctum aliud judicare, quam Regem Polonia susq; deq; habere sacrosanctam pactorum fidem.

Cum hoc acri responso, quod tamen simul seriam ad pacem adhortationem comprehendit, dimissus ad suos est Canazilius. Indubie & Regi pariter & Proceribus Poloniae nihil non horum ex fide ille retulit. Nonne par itaque fuisset, cum alterutrum ut agerent usque adeo serio admoniti essent, vel tandem mittere idoneos componenda pacis Legatos, vel saltem in idoneis mittendis gliscentes jam suspiciones non fovere, & animos agros non porro accendere, si Polonis fuit aliquod pacis non fucatum studium?

Verum hisce etiam omnibus habitis insuper, advenit Holmiam superiore hyeme ex Polonia missus Ioannes Morstenus, non instructus facultate componenda pacis, sed quantum prae se ferebat, paraturus tantum praeliminaria, quae dicuntur, circa locum & tempus futurorum de pace tractatum. Directe hoc adversabatur illi per Canazilium datore responso Regio. Iussus ex more, antequam admitteretur Morstenus, apographum fiducialium literarum exhibere, produxit tabulas, in quibus etsi utriusque Regis titulis solito rectius fuerit cautum, sub finem tamen numerati sunt Poloni Regis *Regnorum* anni: vana quidem, occulta nihilominus juris in Sueciae Regnum, ex more consueto, commemoratione. Cumque studiose fuisset inter Reges pactum, de vocula & cetera, quibusdam tituli Regij vocibus adjicienda, omissam illam esse deprehensum est. Minutias dixeris: at in illis latent grandia, & toleratae

tolerata ad solidas injurias muniunt viam. Posterius sane conjunctum est cum tacito Regis Sueciæ præ Polono vilipendio; quasi ille hoc sit inferior. Prius arcanam injuriam in Sueciæ Regnum vindicationem continet: rem & Regi & Ordinibus Regni Sueciæ neutiquam tolerandam. Si minutiæ sunt, quare per illas Poloniæ Rex pungere Regem Sueciæ voluit? Certe etiam hæc arguunt, quam ille sit animo à vera concordia alieno.

Morstenius culpam excusare conatus est, incuria scribarum regionum. Sed quis non videt hoc quam sit frivolum? Quasi scribis Polonicis solemne sit, errare in solis literis ad Reges Sueciæ scribendis. Et vero incuria scribentium, ab iis, quibus relegere scripta in officio est, quare emendata non est? Enimvero ipsamet talis incuria conjuncta est cum contemptu. Nec enim per incuriam tractari solent res grandes & majoris momenti: quales utique sunt quæ paci aut bello possunt ansam aut fomentum dare.

Commovet hæc quidem recens injuria generosum Regis animum; sufficere tamen in poenam credidit, nec literas ipsas nec Morstenium tanquam internuncium admittere. Quo nihilominus ostenderet Rex, adhuc sibi esse animum in pacem propensum, benignissime Morstenio significari fecit: *Quamvis Rex non amplius obligetur illi per Cancellarium data declarationi de admittenda pacis tractatione, cum illam irritam Poloni reddiderint; non passurum tamen divelli se à constante instituto de pace rebus omnibus præferenda, sicut quæ per Cancellarium indicata est ratione, extra ambages, & ex necessitate horum temporum, talis pax obtineri possit, quæ dignitati Regiæ ac Regni, & subditorum securitati, impofterum satius est prospectum.* Idem per Senatores Regni Sueciæ ad Senatores Regni Poloniæ plenius perscribi Rex curavit. Et verò indubie

visa tibi est, Amice, & lecta illa Senatorum Suecicorum epistola. Si sane eam qua decet cura expendaris, liquido apparebit, & serio illos studuisse componendæ paci, & Senatores Poloniae, gravissimis adductis rationibus, ad pacem, quasi solemnibus literis, invitatos esse. Ex adverso in Polonia etiam hæc monita vel surdis auribus vel non æquis animis videntur excepta: etsi ipsæ illorum res afflictissimæ nullum promptius remedium quam solidam cum Suecis pacem flagitarent. Quod sane ego sciam, Legati nulli de componenda pace advenierunt ex Polonia, nisi cum jam pars exercitus Regij excubaret in illorum finibus, & ipse Rex armatus staret in procinctu.

Igitur Suecos hostilia agitare in Polonos justissimis de causis, utique ex hisce omnibus palam est. Quæ enim illi animo alio fuerint, cum Poloni pacem omnem toties honestis conditionibus oblatam repudiaverint? Nec verolicer non hostem agere in eum, qui pax quo minus coëat obnuitur, nisi opprimi velis.

Caterum dixeris tu fortassis, Inducias tamen pactas inter utrumque populum in annos sex & viginti, ac proinde anno demum sexagesimo primo finiendas; quas præpropere adeo infestis armis abrumpi, nefas esse. At vero quis sive justus sive prudens affirmaverit, omnium omnino induciarum, nullo habito discrimine, finem demum semper expectandum? Interdum arma justissime maturari in partem, quæ fidem induciarum fregit, apud omnes gentes receptum est. Attende vero, mi Nicanor, quemadmodum circa inducias sese Poloni gesserint, & Vladislao pariter & Ioanne Casimiro Regibus.

Fervebat Vladislao vivo bellum Suecorum cum Cæsare, cautumque lege erat: *Quod Rex Vladislavus ac ejus successores, Reges Poloniae, Regnum item Poloniae, & Magnus Du-*
catum

*et in Lithuania, cum provinciis & Principibus sibi subjectis, nil ho-
stile moliri debeant durantibus istis induciis, contra Christianam
Reginam Regnumque Suecia & ejus provincias ac civitates, &
nulla classe armata, neque eam alius quibuscunque subministra-
re contra illud Regnum.*

Non numerabo inter læsa conventiona, quod simul indu-
ciæ pactæ sunt, sex millia equitum Polonorum, duce Paulo
Noskonski præfecto Lomziacensi, signa Cæsarea accepe-
runt; etsi hostiles vires permultum eo creverunt. Id non agā
quia non proxime in Suecos, sed illorum fœderatos Gal-
los tantum illi pugnaverint, quodq; præceres Poloniæ illos
mox severis edictis in patriam revocaverint. Accepta
nimirum hanc excusationem. Non computabo etiam in-
ter injurias, quod Polonorum alij multi Cæsari adversus
Suecos ipsos militaverint. Nemo hoc Polonis hætenus
non condonavit: eoque nihil habuit causæ nuperus Polo-
nus Legatus Christophorus Przimski, cur id defenderet à
culpæ criminatione. Frustra sane excusas quod inculat
nemo.

At vero quod per mediam Poloniam Cæsareus hosti-
lis miles, nemine vetante, nemine vel leviter sese oppo-
nente, bis in provincias Regno Suedico subditas Uladislao
Rege penetraverit; hoc vero non vacat culpa fractæ fidei,
Prima excursio fuit Botio duce in Livoniam nihil hostile
tū expectantem. Altera in Pomeraniam duce Crockovio.
Ad neutram hosti fuit aditus nisi per mediam Poloniam.
Non alia etiam via utraque incurso fuit instituta; non alia
repulsus hostis se recepit & ultimum exitium evitavit.
Quis non videt, talia institui non potuisse, nisi republica
Polonica, non connivente tantum, sed conspirante clan-
culum in perniciem Suecicorum exercituum? Nec sane ta-
lia fieri solent in Regno rebus suis satagente. Erat vero

ipſa quaſi ſalus Suedici exercitus collocata ſaltim in Pomerania tranquilla poſſeſſione: quam proinde plurimum profecto laſſiſſet Crockovius, niſi celeritate & felicitate Konigsmarckij fuiſſet oppreſſus. Hunc vero non ſolum per Poloniam invadere Poloni permiſerunt: ſed monitus etiam & rogatus à Regni Suedici Senatoribus Senatus Polonicus, ſaltim ut redire hominem prohiberet, hunc tamen per Poloniam effugere paſſus eſt, Konigsmarckio autem perſequenti tranſitum denegavit. Imo illi Crockovio ex arce Puſenſe aliſque Poloniae caſtellis arma ac tormenta bellica ſubmiſſa ſunt. Botii irruptionem, conquerentibus Regni Suedici proceribus, excuſare quidem conati ſunt Poloni, frigide tamen, ignorantiam cauſati. Ut proinde in Crockoviano hoc negotio ſaltem nullo eos colore ſucave-riſ, à culpa hoſtilium molitionum contra induciarum leges.

Porro cum Oeſeliam inſulam Danus Regno Sueciae ceſſiſſet, inter reliquas pacis conditiones, idem ille Vladislaus Rex non dubitavit inſulanos ad defectionem à Suecis, in Regni Poloniae ditionem, miſſo multis cum literis & mandatis ad Oeſelienſes ſuo nobili camerario Bergio, invitare. Literae quam multae hodieque ſuperant: & palam adeo res acta eſt, ut negari non potuerit à quoquam. Eo vero conatu ruptam induciarum illam quam praeſiſimus legem, non minus luce meridiana eſt clarius. Quid enim eſt *moliri* aliquid *contra Regni Suedici provincias*, ſi hoc non eſt?

Ad hoc Vladislaus ille Rex ipſos quoque Livonos ſollicitavit, ad defectionem à Suecis. Clanculariis quidem artibus res, ut ſolet, geſta eſt, emanavit tamen & plurimis teſtimoniis innouit; uſque adeo, ut nec hae molitiones queant fronte hant erubefcente negari.

Magis arcanis conſiliis agitati fuerunt conatus Valdislai cum

Alii cum Christiano IV Daniæ Rege, cum Arnheimio, & Baudifio; ita tamen, ut prudentem neminem temere fefellerint, in perniciem Regni Suedici eos institutos, solo Numine frustrante iniqua facinora.

Hæc omnia iam tum Vladislao Rege contigerunt. A Ioanne Casimiro nemo non Sueciæ Procerum, cum Regina ipsa Christina & Rege Carolo Gustavo, maiorem pactorum fidē expectasset. Defuncto Vladislao fratre, rogata ab illo pariter fratreque ejus Carolo Ferdinando, Serenissima Galimirum in Regem studiose accuratęq; commendaverat: ac proinde omnium una spes erat, tandem aliquando vetus carcinoma, post tot annorum intervallum, animorum æstu jam defervescente, remedium admittere, inque id Ioannem Casimirum novo beneficio devinctum, operam sedulo daturum. Accedebat quod Poloni à Cosaccis, Tataris, Moschis undique premerentur, domi consiliis viribusque, foris auxiliis omnium Christianarum gentium nudati. Quis itaque non sperasset, saltim nunc serio incubituros cum suo Rege Polonos paci, aut minimum induciis eum Sueco pactis? Quid autem Poloni? Pia fecius ipse p. 309 testatur, propendisse illos magis in Casimirum Regem eligendum quam fratrem ejus Carolum Ferdinandum, quod esset *suffulus prerogativa hereditarii tituli Regis Sueciæ*. Septennium circiter est, cum Ioannes Casimirus potiri rerum cœpit: tantum abest vero illum interim serio consilia pacis agitasse, ut pene nunquam desuisse dixeris fidem induciarum violare. Harum legibus adjectum erat, quid in titulis Regiis utrinque observari debeat, & quidem Poloniæ Regibus abstinendum à titulo Regum Sueciæ: imo hoc quasi in batin substratum fuit induciis, utpote quum eo caveretur Regno Sueciæ de libertate sua, Regibus de securi-

rate. At vero novus hic Rex nunc vafro commentus ufus, lingua & more Gallico literas fcripfit (quas antiqua confuetudo Latinas exigit) ne fcil. videretur ex lege abftinuilfe debito fibi titulo, aut Regina indebitum tribuilfe: nunc Latine fcribens, palam five in figillo five in ipfo titulo nomen Regis Sueciae fibi ufurpavit. Nunquam, id quod lege erat cautum, ut obfervaret potuit induci: & etfi bis folemnis de pace tractatus ea una pene de caufa irriti redditi fint, ceu jam ante narravimus. Nec vero Regina duntaxat hifce ludibriis à Rege illo fuit contra induciarum pacta perpetuo exagitata, fed & Rex Carolus Guftavus; quamvis erga hunc folito modeltiorem fe exhibuerit.

Audifti jam de injuriis hifce monitos ipfos Regni Poloniae Senatores à Senatoribus Regni Sueciae. Dum expectaturemendatio, ex variis locis certiffimis testimoniis adfertur, Regem Poloniae, more fui fratris, Livonos ad defectionem invitare, imo illos pacandis Cofackis in praedam offerre. Quae *malitia* inimica quam maxime eft utique fanctis induciarum pactis. Non sane eft quod exiftimes, incerto hæc rumore niti, cum in promptu fint testimonia quàmplura.

Nec his vero contentus Rex ille, nova clam foedera molitur, tantum in perniciem Regni Sueciae. Novifti, Nicanor, quantri interfit illius Regni, ne qua peregrina claffis Balthico mari incumbat. Vertitur in eo fane falus Regni: ne pote cujus provinciae pleraque mari illo alluantur, ac proinde expofitae fint incurfibus cujusque validae claffis, fi fit infefta. Hinc prudenter caverunt dudum Reges Senatoresque Regni Sueciae, ne qua claffis peregrina maris illius tranquillitatem perturbaret. Diferte in pactum induciarum eft receptum, quod jam audifti: *ne Polonus armata claffe utatur, nec camaliis fubminiftraret in regni Suedici de-*

trimenta-

trimentum. Ex adverso Rex Polonus vicinos amicosque Suecorum, præsertim mare Balthicum vel accolentes vel navigantes, solis Suecis exclusis, omni studio allicit in fœdus de paranda classe, & quidem peregrinis viribus maxime fulcienda, fœderis formula jam concepta. Non indiget Poloniæ Regnum classe, saltem quamdiu induciæ valent. Quare ergo jam classem meditatur nisi in Suecici Regni damnum? Quur ab illo suo novo fœdere solos Suecos exclusos vult? Certe communis boni si quod ab illa classe fuerit expectandum, etiam hi utique participes debebant esse, quam omne mare illud Balthicum finibus Suedicis potissimum sit inclusum. Id prorsus intolerabile, hæc agitari ipso illo tempore quo pacis componendæ causa in Sueciam Legati à Polono sunt missi. Cui enim prudenti non suboleat, missitationes illas institutas fraude quadam; ut nimirum eo tutius laterent insidiæ, & Sueci pacis spe inflati, minus debito rebus suis attendentes, eo promptius circumvenirentur.

Tot modis uno non integro septennio, non dubitavit, in summa licet virium suarum debilitate, laceßere Suecos contra induciarum leges Rex ille Ioannes Casimirus. Quid censes fuisse facturum, si animo facultates respondissent? Sed non est quare quidquam divinemus de futuro, cum nimis liquido pateat, quantum non Uladislaus tantum, sed Ioannes quoque Casimirus Rex sanctam fidem induciarum violaverint fregerintque.

Dixeris forte, omnia hæc nullo successu facta & incassum: ac proinde nõ oportere vanos conatus revocari ad animũ. At vero ipsas *molitiones* quasq; , jam percepisti induciarum legibus esse vetitas. Et vero quæ sint induciæ illæ, quarum ope non sis tutus adversus molitiones? Certe bellum apertum utilius fuerit illa quiete, quæ molitionibus quibusve
hosti-

hostilibus exposita est. Nemo profecto prudens talem quietem feret, aut illam hoc nomine dignabitur. Quis itaque non merito indignetur, si sentiat nunquam se non peti molitionibus occultis, quo tempore sacramento tranquillitas firmata erat? Nullum sane majus argumentum est iniqui & superbi animi, quam si viribus destitutus injuriarum non desinas. Insolentiam in potente ut excuses, in debili intoleranda est.

Sed soli Reges peccaverunt forte, nulla reipublicæ Polonica integræ culpa. At vero, utique non potuerunt Regni Senatores latere, ea quæ memoravimus facinora, quum in vulgus pene omnia innotuerint. De quam multis conquestum apud illos sæpius est. Quare itaque passi sunt Reges suos ita inolescere contra pacta conventa totius reipublicæ? Parcere nimirum voluerunt Regibus quo gratiam eorum obtinerent, quasi tanti non sit in Sueciam peccare. Aperte sane id patuit primo de pace Lybecensi congressu, quum post longam moram tandem Legati causarentur, non se ausos Regem suum de mutando titulo appellare. Atqui apud omnes populos recepti est juris, ut reipubl. universæ imputetur crimen, in quod cum possit & debeat animadvertere, permittit illa impune: nec à moribus Polonicis est alienum, sed satis familiare, Regum actus severe improbare ac perstringere. Iraque quod ad hæc omnia præter morem maluerint connivere, culpa jam omnium facta est & communis & publica.

Verumtamen cautum fuit induciarum legibus, ut de iniuriis interea temporis abortiis, utrinque circa Livonia fines conventus fierent, per commissarios, salvois induciis. Ita est. At non est pactum, onus petendi Commissiones illas Suecis incumbere. Conquesti Sueci sunt sæpius de iis quæ fierent adversus pacta, apud Reges & Senatores Regni Poloniz

lori. Polonorum itaque erat, querelis illis commoda
 excusatione aliqua diluendis, conventus indicere aut pe-
 tere: utpote cum non Succici sed Poloni injuriarum & fra-
 ctæ fidei arguerentur. At vero nequidem semel ab iis id
 serio factum est. Imo quandoque ad Suecorum querelas
 nequidem per literas aliquid est responsum; alias non nisi
 frigida excusatione querelæ rejectæ, inani obtentu scilicet,
 ignorantia in publica omnium conscientia, vel extenua-
 tione iniqua commissi facinoris. Quem fructum ergo et-
 iam commissionum potuerunt sperare Sueci, si quas peti-
 issent, tam indigne habiti? Et vero, nonne Lybecenses bi-
 ni illi de pace congressus, in quibus non dubitaverunt Po-
 loni ipsa Induciarum pacta violare, & plenipotentias vi-
 tiosissimas producere, satis ostendunt, quam futuri fuissent
 inutiles si non perniciosi de sopiendis querelis conventus?
 Non fuit sane ex dignitate Regni Succici, etiam post acce-
 ptas injurias, à Polonis emendicare commissiones illas
 quas vocant. Poloni quod hac in re jure imputent Succis,
 non habent: cum ipsi crediderint infra suam dignitatem
 esse, læsis etiam & conquerentibus Succis mitigandis, con-
 ventus ejusmodi procurare.

Hiscæ omnibus ad hunc modum nonnihil majore cu-
 ra abs te expensis, nonne jam vides, Nicanor, potuisse
 merito Suecos vel paci renunciare, si quæ illis pax cum Po-
 lonis intercessisset? Certe similibus de causis gentes pa-
 catissimas passim ad arma convolare, idque bellum non in-
 justum videri, notissimum est. Illis unque populis, qui ma-
 xime nunc adculant Suecorum arma, longe levioribus præ-
 textibus bellum gerere, solemne est. Ut facile appareat,
 uri illos potius felice armorum successu, quam injustitia;
 & hanc non nisi inane invidia odiique esse pallium.

Si pacis vero tempore ejusmodi injuria bellum mere-

D

atur,

antur, quanto magis non nisi per inducias suspensis armis? Multum interest scilicet, Nicanor, inter pacis & induciarum status, nec quod in illo idem & in hoc tolerabile videtur, aut venia dignum. Rectissime Gellius: *non pax est inducia, bellum enim manet, pugna cessat.* Stricti juris omnia sunt per inducias: adeo ut si pars minus ex fide illas observet, alteri parti mox jus in sese det armorum, nisi speciali conventionione aliter sit pactum. Quali ratione non vivitur in pace.

Video nonnullos haud quidem diffiteri, justo dolore motos Suecos arma tandem corripuisse: arbitrari tamen, dissimulandas fuisse omnes injurias & condenandas, quod jam tum Poloni misere affligerentur: nec enim afflicto addendam afflictionem. Quorum probitas vehementer placet. At si afflicti aliquis, nec injuria forte afflicti, non desinat alios quietos hactenus & sibi indulgentes injuriis laceßere, imo in perniciem eorum conspirare, an is propterea dignus est misericordia quia jam tum affligitur? Neutrquam. Extremæ enim signum est insolentiæ, etiam inter adversa moderari non posse impotentiam animo; ac proinde poena dignum est exquisitissima. Quid si certissimum sit, fore ut is qui jam affligitur, ubi liberatus fuerit ab ærumnis, re majore solito damno afficiat, an pietas exigit parcere illi afflicto, donec emerferit? Non sane hoc exigit pietas, & fuerit hoc summæ imprudentiæ. Ad hoc, est quædam afflicti interdum alterius afflictionis remedium, perinde ut dolor dolori nonnunquam medetur. Itaque est interdum etiam ex re ejus qui affligitur, ut denuo affligatur. Habent hæc omnia in Polonis locum. Non deficiunt illi hactenus, rebus etiam turbulentissimis maximeque afflictis, inducias Suedicas violare, illique reipublicæ struere insidias contra conventa pacta; ceu audivisti. Certum

tum est ex signis innumeris, Polonos recuperatis viribus infestissimos hostes futuros Regno Sueciæ, & nihil nunc conatibus ob stare perinde, atque ea quibus cum confistatur Moschorum & Cosaccorum arma. Denique jam redierunt eo res Polonicæ, ut nisi armis in Suedorum ditionem redigantur, succubiturum illud Regnum omne sit sævitæ Moschorum, Cosaccorum, Tatarorum, Turcarumve: quod paulo post liquebit. Quum itaque jamdudum Poloni in sese dederint Suecis justam belli copiam, nec à mora ulteriore ullum malis remedium, sed pericula maxima utrique parti (nam & Suedici Regni summo cum dispendio fuerit conjuncta Moschorum Tatarorumque de Polonis victoria) certo immineant, non pium amplius, nec prudens fuisset, & pericula & injurias justorum armorum abstinencia alere.

Nisi vehementer fallor Amice, satis jam feci primæ dubitationi tuæ.

ALTERAM itidem nunc, paucis tamen, expediemus. Et quidem demonstrabimus primo, *rempubl. Poloniam non fuisse Moschos Cosaccisque parem, sed certo fuisse succubituram, atque ita futurum fuisse, ut latus illud Germania populi istis barbaris degeretur: deinde vero, novis viribus prudentique Suecorum administratione, ita suffulciri Poloniam posse, ut Germania ab isthoc periculosis libera.*

Primo illud palam est, vel ex iis quæ hoc proximo quinquennio contigerunt. Quantos enim progressus fecit Czar Moschorum brevi tempore per Lithuaniam & Russiam Polonicam! Quam inualidam & levem manum tantæ multitudini tantoque robori objecit Polonus! Quanta porro sunt multitudo pariter & præliandi promptitudine rebelles Cosacki, & qui cum iis conspiravere agrestes Russi! Quantillum est quod Poloni opposuere! Quamve omnia infelici-

citer successerunt ! Nonne per est verisimile , in Sueca vis & auctoritas intercessisset, futurum fuisse, ut vel hæc hyems proxima Germaniæ finibus Tataros, Molchos, & Cosaccos miscuisset ? Nec vero est quod expectare meliora à Polonis potuerimus ; quæ illorum fuit corrupta respublica.

Lustra fodes, mi Nicanor, militiam Polonicam. Nulla illi populo auxilia ab ulla Christiana gente. In Tataris spes fuit reip. posita : hoc est in iis qui in speciem amici, ast infidi incertique, & sub ipsa amicitia specie sævi sunt regionis vastatores, in universum Christianæ hostes fidei & Polonorum veteres inimici, soli prædæ intenti.

Iam cum miles sit alius delectus aut evocatus, alius mercenarius, uterq; sive pedestris sive equestris, & quidem aut peregrinus aut patrius : non equidè negavero, olim, magnum robur fuisse evocati equitis Polonici, consiliis illis quæ Samoscius in Gallia jactavit, *Polonia Regem cum bellum illatum propulsandum finesq; defendendi suas, nulla impensa facta, supra centum millia hominum armare*; quanquam vehementer laboret annuum Polonicorum fides apud quam multos, dum præclara nobilis illius militiæ facinora narrant ad posteros. At vero jamdudum in illo quidem Polonico equite ostentationis & inanis famæ plus fuit quam solidi prælii. Ne quidem ipsi Poloni, gentis suæ haud parci laudatores, vitium hoc manifestissimum ausi fuerunt dissimulare. Unum pro multis nunc tibi producam testem, gente Polonum, Simonem Starovolscium, doctum & eloquentem scriptorem libelli cui Poloniæ nomen est. Is diserte suo loco dicens de Regni viribus, cum multum jactasset nobilem Polonicum equitatum, addit : *Sed in ista multitudine duo desiderantur quæ in bellis gerendis maxime sunt nociva, celeritas nimium & obediensia. Quia & tarde nobiles sub signa conveniunt: comitiis*

primo

primo tot hebdomades celebratis, sine quibus bellum edicere non
 potest: & difficulter ab æconomia sua uxoris atq; liberis divellun-
 tur: usq; tertium editum expeditionis bellica prava consuetudi-
 ne expectantes. Cumq; jam ad locum designatum convenierint,
 tum se unitos & armatos animadvertentes, aut contra Regem aut
 contra Senatum tumultuantur. Vel etiam interdum Reges ipsi tar-
 dius in expeditionem procedunt & mora tempus elabi ultro patiun-
 tur: ne vel à nobilitate ob malum regimen exagissentur, vel præ-
 tensioni eorum cum diminutione suorum reddituum aliquid tribu-
 ant. Unde incommoda ista Respubl. prospiciens, stipendiaria mi-
 lite ordinarie bella peragere consuevit, generalem autem nobilita-
 tiæ expeditionem, in ultimum tantum casum reservavit, ut, si vel
 tributa non sufficerent, vel hostis ita potens esset, ut ei resistere
 conscripto milite Generatis belli nequirit, tum ad generalem o-
 mnium nobilium expeditionem, tanquam ad ultimum remedium
 confugiendum putarent. Idem Starovolscius paulo post: Quo
 autem in ejusmodi expeditiones paratior nobilitas fieret, statutum
 est jamdudum publico Comitiorum decreto, ut prima post Pascha-
 riæ festum Dominica, in singulis satrapis lustratio in armis fieret,
 & quisque Palatinus suorum provincialium nomina in tabulas re-
 ferret. Quod, æque ut & alia instituta patriæ, antea penitus negli-
 gitur, aut certe neglectim peragitur, pæna in delinquentes valde
 levi assignata. Accedit porro, quod illa nobilium multitu-
 do evocata, licet velit, non possit tamen unum in corpus co-
 ire, propterea quod præsidario milite pene ubivis sit de-
 stituta Polonia, ut & circa fines commodis arcibus contra
 subitas incursiones paratis. Foret etiam hoc Starovol-
 scius. Ille verbis: Illa ingens nobilium equitum multitudo ob
 malum reipubl. regimen nullatenus simul conesse contra hostem
 potest: nam aliter nudarentur provincia contermina potentibus
 vicinis, quas utique custodire oportet cum militem in urbibus
 præsidariis nullibi cumino habeamus, qui impetum supervenientis

Hostis aliquomodo reprimere possis, prater paucas cohortes in Russia qua excubant. Vide mihi jam quæso decantatum illud robur nobilis equitatus Polonici quam sit invalidum: & tamen hoc & debebat esse & olim fuit dextera quasi manus Regni illius.

Instituerat olim & peditem evocatum, prudente consilio, Rex Sigismundus Augustus. Audi vero & de illo Starovolscium. *Pedestris quoque militia Augusti Regis invento, tam ex urbana quam è paganaplebe delecta, fere jam evanuit: & vix aliquot centena jam numerantur, eaque nullius frangi, qui quindecim millia superare debuerunt. Reliqui omnes, avaritia præsidiæ, censum exsolvere iussi & rusticani laboribus adscripti, cingulum militare deposuerunt. Laudo quod ille subiungit consilium, de juventute deligenda etiam ex agresti plebe in pedestrem militiam: neque dubito fore id utilissimum. At observo heic, non quid fieri possit aut debuerit, sed quemadmodum sese nunc adeo habeat militia Polonica. Et vero unice meretur annotari, illarum Russiarum partium plebem, quæ Starovolscio iudice ad delectum omnium aptissima; multis injuriis irritatam, correptis armis aliquot jam annos oppugnare rempubl. Polonicam, ita ut hanc hodie experiatur acerrimum hostem. Sed & in universum de illo peditum Ordine habemus fatentem Starovolscium illum. Pedires paucos habemus, (inquit,) et squæ è plebe omnes, non ita ad pugnam quam ad labores castrenses evocatos: ut nimirum fossas dum opus fodiant, vallum excitent, pontes construunt, vias sternant, tormenta & impedimenta bellica conducant, atque demum castra ipsa custodiant. Quod si vero oppugnationem loci alicujus mediamur, tum è Germania aut Ungaria mercenarios nobis pedites adducimus, qui sunt exercitatiores nostris.*

Saltim itaque in evocato milite domestico nihil est præsidij

praesidij reipubl. Polonicæ. Specta fodes jam & conductum. Equite vixalio utuntur Poloni, etiam mercenario, quam ex nobilitate patria conscripto, quem quod parte quarta regionum proventuum in stipendium fruatur, ex instituto Regis Sigismundi Augusti, Quartianos appelliant. Solet iane ille fortem satis sese ostendere. At vero simul disciplinam non audit, & si recte rem aestimes plus ferociae habet inconsultæ, quam constantis fortitudinis. Sed & illorum ferocium parva admodum manus est: alij magis lingua quam pectore valent, & ut primo impetu animosi, ita repressi leviter statim languent atque à fuga præcipite quærunt subsidium. Multus quidem est in iis laudandis Starovolscius: at si ex vero aestimes illius narrationes, apparebit, vehementer illum errare, dum soli illi equitatu adscribit facinora, quorum laudem maximam admistus pedes meruit.

Nec ego nec tu illis rebus interfui, Nicanor: provocare tamen non dubito ad ipsas Polonorum historias, quæ nequiquam profecto Starovolscio consentiunt.

Majus hæcenus robur & præsidium rebus suis invenit Polonia, in illo pedite gentis suæ mercenario Cosaccorum Zaporovianorum. Et vero ex quo hanc militiam in ordinem & leges redegit Stephanus Rex, munimentum ille regni ferennicum fuit adversus Scythicas præcipue incursiones, nunquam penè non metuendas, & vim Turcarum. Verum hoc olim fuit. Nunc quantum mutavit! Rebus gestis, & numero, & remotiore à regia loco, ipso denique solo suo & cælo, cum non in tempore cavissent Poloni, in eam magnitudinem miles ille sensim excreverat, ut coercentium morderet frena; ac proinde prudenti rita erat tractandus, ut non advertenti (ἐκ ἀπροσώρου τὸ το δὲ αὖ) jubent sapientissimi Græcorum) subtrahere quidem iniolescendi facultate.

facultate, in amore tamen & reverentia Polonica reipublicæ perseveraret. Poloni vero primum Cosaccos injuriis irritare, inde arma in eos vertere, omnem militum illum pene exaudivere, nec ita quidem ab injuriis abstinere. Unde tandem Bogdano Chmielnicio duce, acerrimum illud belli incendium orum, quo septem jam annos Polonia universa tantum non conflagravit.

Multis injuriis læsos Cosaccos, ne quidem prudentiores Poloni ipsi dissimulant. De illis inter multa alia hæc sunt verba Stanislaus Lubieniski Episcopi Plocensis in Censura Laureæ Austriacæ Julij Belli: *Ceterum quadraginta proximis istis annis, numero & fortunis quas ex Asiaticis prædiis corradunt aucti, prædia quoque & domicilia in oppidiis Regiis & Nobilium habere cæperunt: quibus & uxores & res pretiosiores deponerent. Cumque locorum domini & Regii præfecti eos censu ac tributis gravarent, & quasi in servitutem redigere vellent, sæpe illis rebellaverunt. Ita orro ex libidine & cupiditate privatorum dissidio, aliquoties eos publicis armis & impensu coercere opus fuit. Consule vero, Nicanor, & Piassecium. Ille narrabit, jam anno 32, defuncto Sigismundo, tempore interregni, cum aliatum religionis Græcæ salvas immunitates sibi petiisse Cosaccos à Regni Ordinibus, nihil tamen aliud accepisse responsi, quam cura sibi futuras religionis Græcæ rationes. Pristinæ scilicet & avitæ Græcæ religionis, cui assueverant, loco per vim inivit Sigismundus curaverat obtrudi, ut & aliis Ruthenis, ritus Latinos aut certe illos, per Unionem cum Romano Pontifice institutam, Papali cultu interpolatos. Quæ intolerabilis est animorum servitus. Ejusdem Piassecii hæc sunt verba pag. 494. Hoc anno, (1637) licet fortuna exituque tristiore, Cosacks pro retinendis libertatibus suis laboraverunt. Cum enim diversi principes Regni Polonia, in dissonibus Kijovienfibus, Cosaccorum præcipuis sedibus, multas possessiones*

possessiones partim emptione partim liberalitate Regis acquisissent, census earum ut auferrent, licentiam Cosackeram quæ tali ipsorum proposito ob stare videbatur, refranari oportere, apud Regem Senatunq; predicabant. Narrat mox prolixius, quemadmodum post acerrimum conflictum, victis Cosaccis, dux eorum Paulucus cum quatuor aliis antesignanis post acceptam fidem deditioem sint capti. Idem pag. 501 multis persequitur, contra datam fidem ducem Paulucum cum suis capite plexum: & publico Comitiorum decreto, omnes immunitates unacum oppido Tschimirov Cosaccorum societati concessas à Regibus Polonia, fuisse abrogatas, negotio dato præfectis bellicis, ut nova expeditione suscepta, comitiorum illi decreto resistentes extirparent. Cum deinceps retulisset, belli illius adversus Cosaccos invariabilem fortunam, Cosaccosq; deditioem tandem fecisse accepta securitate, fore ut in proximis comitiis pristina libertates ipsis restituerentur, addit, solutis castris cum diffuissent manipulatim ad propria, plurimos eorum à milite regio trucidatos, privilegia ipsorum in ambiguis Comitiorum deliberationibus mansisse; quodque magis, (inquit) tribunus seu commissarius illis à Rege nunc unus nunc alter datum stipendia ipsi defraudabat, serviliterque eos tractando, non nisi quassum querebat ex illorum obsequio. Fatetur idem Piafeci pag. 508 Bogdanum Chmielnicki, ob injuriam atrociorē acceptam à præfecto domicilij sui Corsumi, redditum insolentiorē, imprudensia vero ducum Polonicorum omnem Cosaccorum sententiam, jam exacerbatorum acceptis diversis à præfectis locorum injuriis, tam & à tribunis seu commissariis apud eos regibus, quasi stipendia ipsi retardarent, & eorum obsequio ad suos quassus abuterentur, ad seditionem provocatam esse. Hæc omnia Piafeci non dubitavit ad posteritatem referre. Sicut ingenua etiam ejus confessio extat pag. 509 de plebe Russica, quæ eodem cum Cosaccis tempore, anno nimirum

1548, arma corripuit: illam nimirum cum esset Graci schismatis, pertinacius insensum ritui Latino, dominisque suis, in hunc ut vocant istos ritus consueventibus, & quod ab ea colonaria (quia plerumq. ibi Nobiles fundos suos locant Iudais, insatiabili avaritia augendis possessionum censibus assueti) immensa extorqueant.

Sed non est quare de causis mortuum Cosaccicorum hoc loco differam. Satis est si observes, Nicanor, ab illo milite nihil expectari hodie posse præsidij adversus Moschos quidem. Et vero eorum utrique ritus sacros Græcos colunt; jamq. adeo Cosacci in ditionem pene Magni Moschorum Ducis concesserunt: non adeo pridem fœdere cum Tataris pacto Polonos aggressi sunt. Certe jam septem annos integros infensissimum reipubl. suæ hostem experta Polonia est Cosaccos suos, suntque illi hodie Moschorum Duci sacramento adstricti, tantum abest ut ingruentibus Moschis sese sint opposituri.

Superest unus miles externus. Et vero illo solet uti Polonia ex Hungaris, præcipue tamen ex Germanis conducto. At vero hætenus quidem nunquam ille ad insignem numerum excrevit. Nec Germani nostri signa Polonica amant, quod durius plerumque habeantur & iniquius ab insolente Polonico equite. Ne quid nunc dicam de illo odio, quo plerique Poloni in gentem omnem Germanicam feruntur. Certe nec Poloni nisi ægris oculis Germanum militem vident, nec Germani Polonum fidum sibi solent experiri. Ut vero aliquid reipubl. Polonicæ opis sit positum in illo milite externo: quantillum, amabo, illud est! Quam impar sane Moscho, Tatara, Cosaccis! Et vero in universum miseram illam rempubl. cujus robur est in milite peregrino collocatum!

Expende porro, Nicanor, quam etiam reliqua sine quibus bellum non geritur aut miles officiū non facit, fuerint apud

apud Polonos non satis idonea iis immanibus hostibus repellendis. Audi vero, fodes, ante omnia communom aliquam de iis omnibus Starovolscij confessionem. Cum ad potentiam, ait, & firmitatem cujusq; status requiratur numerositas virorum bellicoforum, abundantia comearum, pecuniarum magnitudo, armorum sufficientia, & frequentia munitio: nullum prorsus ex predictis conditionibus debere & convenienter habemus. Hæc ille prudenter simul & ingenuc. Audivisti jam tum ejusdem æque ingenuam confessionem de milite ipso: & à nobis ille oculis tuis modo est exhibitus. De singulis reliquis in promptu est adferre itidem plurima: ne molestus sim tamen, non nisi uno illo Starovolscio teste nunc utar.

Hujus hæc sunt verba: De comearum non est dubitandum, quantam in bellis multitudinem Rex Polonia alere possit: cum sit cuique manifestum, Regnum Poloniæ posse alia duo similia regna, prout ipsum est, non modo frugibus sed & carnibus & alio campanatico sustentare. Nihilominus nos Poloni in qualibet expeditione bellica fame laboramus: atq; sapissime res jamjam ad finem perductas, propter comearum penuriam, turpiter deserimus. Quod totum procedit ex socordia præsectorum belli, aut potius Reipubl. Ordinum, qui dum aliquotsum bellum edicunt, nusquam in partibus illis de comearum provident, sed quod cuique militi fors offert, id rapit intransitu, & postea sese cum equis & famulis in castris sustentat. Fame vero oborta, aut morbis passim omnes intereunt, aut nolunt obedire ducibus suis, & dilabuntur. Quod si vero Respubl. primum ibi de comearum provideret, quo exercitum nutrire vellet, & comearum ille, ob abundantiam rerum omnium, parvo certe constaret, & expeditionem propositam facile ad finem operatum deduceret.

Pergit idem Starovolscius: Jam autem quoad pecuniam, parata illa in arario nusquam reperitur, sed tum demum, cum

bellum per Comitia edicatur, provincialibus imponitur, vestigia-
liaque diversa bello finiendo sufficientia statuuntur. Sed & has
ipsa, vel tarde conferuntur, vel non ex integro in ararium infe-
runtur, potius pars privatorum cupiditati cedit. Quae si paulo
ordinatius colligerentur, atque etiam tum, cum bellum nobis
nullum est, moderate imponerentur, & asservarentur in prom-
ptuariis: profecto & exercitus nostrorum celerim in hostes educe-
remus, & militem ipsum obsequentiores in bellum habere-
mus: qui dum avaritiâ gubernantium stipendia sibi retineri
vident, facile in perniciem patrie conjurant, quod jam sapi-
sumus experti. Hæc de pecunia publica ille. Debuisset au-
tem merito addere, pecuniæ exiguam vim posse contrahi,
quoniam Episcopi & Religiosi nihil de suis bonis in publi-
cum conferunt, cum tamen habeant opes longe maximas,
multo certe majores opibus Nobilium, Regis præsentibus
pene suppare. Quo nihil est indignius.

Sed audiamus porro Starovolscium. Arma quisque
sibi privatus curat à Germania, aut aliqua aliâ gente vicina por-
tari: quia Rex aut Respubl. nullum armamentarium publicum
habet. Sunt tamen aliquot in locis repofitoria tormentorum ma-
jorum æquissime à Serenissimo Rege Vladislao IV instituta: sed
plura multo & ordinatiora civitates habent, itemque nobiles non-
nulli & procures Regni.

Postremum & hæc addit: Quantum ad munitiones &
fortalitia, candide sciendum est, illa omnino in Polonia nulla
existere, præter aliquot castella privatorum; idg. sparsim per pro-
vincias & Regnum, ut est Zamoseium, Lancutum, Zbarasium,
Nesuszta, Lachovicia, Medirecta, Dulona, aliag. minutiores po-
pulariones. Hæc Starovolscius. Vult quidem idem ille:
propugnaculis non esse opus, quod Poloni sua facile vel
pectus suis tueri possint: prout hætenus tutati sint, aperto
patina Marte cum hoste decertando, quam vel stratagematis uten-
du vel

da vel propugnaculis sese includendo. Verum hæc quidem persuasio æque est inanis atque illa veterum Laconum: quam proinde sapiens vir Aristoteles *in opere Politico* & nimix ruditatis nomine traducit & præclaris rationibus convellit. Et verò, eeu ille quoque dicebat, *errorem illum res ipsa convincunt*, & consensus omnium gentium prudentiorum veteris pariter nostrique ævi. Nec profectio quod *aperto Marte* hætenus tuta fuerit Polonia, etiam impostero par fortuna speranda. Imo sperari illa non potest; postquam virtus prisca militaris multum adeo mutavit, & potissimum militem suum Polonia hodie experiatur hostem. Certè cum Poloniam natura ipsa vel mari, vel fluviis, (Borysthenem excipio: sed illum jam tum suum fecit Moschus) vel montibus nisi Hungariam versus, vel sylvis aut paludibus inaccessis neutiquam muniverit, & ab arte nihil accesserit præsidij, præ omnibus Europæ rebus publicis Polonia virium imbecillitate laborat.

Quum in hunc modum vero omnis res militaris Polonica sese habeat, cui non patet, imparem esse Poloniam repellendis vel solis Moschis; præsertim postquam non tantum Russica plebs Polonia, verum etiam Colacci ipsi in Czaris imperium transierunt?

Neque vero est quod cogitemus tempora prisca, aut veterum Polonorum in Moschis domandis felicitatem. Flurimum enim decrevit vis Polonica intra paucos annos, præsertim ex quo Zaporovianus miles plebe Russica stipatus Polonos deseruit, quod jam sapius monuimus. Ex adverso longe melior hodie est ratio Moschicæ militiæ quam fuit olim. Utpote quum Germanico more signa sequi, ordinem servare, audire disciplinam & quidem sub ducibus Germanis experit. Quodque maximum est, hodie sub imperatore est miles ille, juvene belli avido, omni-

bus domi pacatis: quum paulo ante à domino ignavo, & rebus domi vel corruptis vel certe post diuturnum civile bellum fessis, haberetur. Nec enim nunc repetam, quanta Moschorum viribus facta sit accessio per Colaccos & agrestem Russorum Poloniæ manum.

Non est etiam quod existimes, potuisse Polonos restituere in integrum res suas. *Primo* enim ea utique vis fuit Moschica, ilque irruentis mali impetus, ut nisi parato jam & constituto remedio reipubl. interitus haud potuerit averti. In omni mora periculum fuit, dumq; deliberassent Poloni de componenda rectius republ. jam periissent, & in finibus Germaniæ jam hæsisset Moschus.

Is *deinde* fuit status reipubl. Polonicæ, ut nec vitia sua ferre amplius potuerit nec domesticam medicinam admittere. Consultationibus publicis comitiorum quid potuit esse magis confusum, factiosum, & turbulentum? Parum abest quin Euripideum illud de iis affirmare licuerit: *ὁδὸς ἀδύστη δὲ καὶ ἀνὰ πῶλον*. Quid magis perniciosum reipubl. quam paucorum Nunciorum terrestrium, quos vocant, obnuntiatione, integra Regni comitia reddi interdum irrita! Quanto in vilipendio fuit Regia auctoritas! Quid Regibus tandem reliquum mansit præter tenuem splendorem! Non disputabo nunc, quibus de causis & per quos ingentem illam jacturam fecerit Regia majestas. Scio enim & à Regibus ipsis illam præcipitaram, & à Regni Ordinibus sensim esse subrutam. At profecto ea est populi illius indoles, ut etsi ferre nequeat dominatum integrum, nequeat tamen etiam ferre integram libertatem, ac proinde nisi Regis dignitate salva ipse salvus esse non possit. Iam cum antehac magistratus sacri pariter profanique libera Regum prudentia constituerentur; quantis factionibus, quantis tumultibus, res sancta & reipubl. summe necessaria-

necessaria jam annos aliquot caput involvi! Dixeris nihil perinde reipubl. aliquamdiu turbasse. Ipsa summa judicia laborasse, ut ita loquar, lethaliter, querela publica omnium fuit. Ipsemet Staravolscius non dubitavit inter causas felicium armorum Gustavi Adolphi Regis in Polonos referre, *iram Numinis, ob tor scelera publica impunita.*

Porro in omni populo Polonico credin' fuisse qui serio optarint reipubl. statum qui erat integrum? Mihi vix videtur. *Primum* enim utique religionis obtentu inter sese hostili prope fuerunt Poloni animo, ex quo Sigismundi Regis cura Jesuitæ in Regno illo invaluerunt. Jam à multis seculis scilicet Ruthenica gens, quæ aut Poloniæ Regibus aut Magnis Lithuanix Ducibus subest, Græcos ritus sensusque amplexa est, multum à Romanis diversos, quibus populus reliquus fuit addictus. At semper inter illos pacata omnia: nec sacrorum diversitas reipubl. civilis commune studium turbavit. Posteaquam Romanus cultus avorum memoria passim terrarum ab erroribus superstitiosis purgatus est, in Polonia quoque numerosa satis multitudo novis illis partibus accessit: non sine aliquo motu quidem, qui tamen intra modum fuit, nec aliquod animorum divortium induxit. Simul vero Sigismundus Rex Jesuitarum consilio & opera sacra profanaque omnia coepit regere; jam omnia turbari, solis Romanæ superstitionis ædificiis honores dignitatesque vindicari, diversa sentientes convitiis & contumeliis affici, in eos tanquam hæreticos extrema meritis omnem reliquum populum incendi, omnes urbes Jesuitarum collegiis alligandæ juventuti idoneis repleri, misero denique Ruthenorum populo atque adeo & Zaporovianis Cosaccis Romanensia illa per vim obtrudi. Unde ita in partes scissus est populus, ut jam ipsimet reipubl. suæ indignantur partes quæq;

quæq. Romanenses enim illi, etsi numero & dignitate rell-
quis prævalcant, accensi indocto zelo, cum injuria con-
junctum existimant quod supersint qui sentiant aliter,
præsentē felicitate sua neutiquam contenti. Reliquido-
lent, deprimi se & honoribus debitis privari tantum ob
innocuos sensus. Multo maxime fremunt Rutheni vim
passi. Nulla harum partium igitur amare potuit præsen-
tem reipubl. statum, quippe quum nulla non de injuria
conquesta sit, quam ex publico statu acceperit.

Lege, sodes, Nicanor, quæ ipsemet Piascius narrat, de
Jesuitarum quidem auctoritate apud Sigismundum pag.
300: quemadmodum illi Jesuitæ innumbris contentio-
nibus urbem Rigam ad desperationem adegerint pag.
347: de turbis ex Unione quorundam Russicorum anti-
stitum cum Papa Romano facta exortis, pag. 139. & 444. &
459. Quo ultimo loco ut & pag. 445. 448. 456. 458 simul
disces, Evangelicorum tolerantia, sacramentis Regis du-
dum confirmata, quàm sese opposuerint in illo post Si-
gismundum interregno optimatum primores, quod-
que illam non admiserint Præsules, nisi addita illa clausula:
salvæ juribus Ecclesiæ Catholice Romane: quæ quid sibi velit
nemini est occultum. Indico duntaxat tibi loca, quæ
possis consulere si liber: nec enim mei est instituti hæc
omnia plene narrare. Staravolscius non dubitavit afir-
mare, eorem rediisse, *ut nemo in Senatum admitti, aut ad mi-
nora subsellia vocari quisquam potuerit, nisi Romana professione*.
Kobierzyckius vero, quo loco in defuncti Sigismundi lau-
des se diffundit, l. i. *Vladislai Principis*, hæc verbis tritum:
Constantissimum matris pietatis cultorem habuit Polonia:
quam serpente hæreses contagione leni ac efficace (efficace
sine apud ambitiosos, ac iniqua & communi omnium li-
berrati adversa) *medicina ad veteris orthodoxæ religionis re-
vocavit*

*vocavit sensum, cum praefecturas & magistratus deferret virū
avita majorumq; fidei apprime tenacibus: eoque dominationis arcano
revento, (fuit sane arcanum dominationis, utpote cum hoc
ipso unam eamque majorem partem procerum zelotarum
sibi Rex plurimum devinxerit, exiguo tamen commodo)
haereses absq; ullo strepitu partim supprimeret, partim memoranda
pietatis exemplo ad pristinum reduceret statum. Et qui potissimam
praeipnamq; Senatus partem novo ac recenti addictam dogmati
in primordiis regnorum repererat, decedens duos tantum relin-
queret, Sigismundum Gradzinum Calisensem, & Raphaëlem
Leszynium Belzensem Palatinos, illum quidem occultiori cuidam
secta deditum, proindeq; minus noxium; hunc Calvinī sequacem,
summa nihilominus probitatis civem patriaeque studentem com-
modus.*

Pecco forte, Nicanor, quod probare instituum testi-
moniis illa, quae omnibus Polonicarum rerum gnaris
sunt notissima. Utile tamen duxi saltim pauca haec ad-
ferre in medium, quo omnis dubitatio tuo animo exima-
tur, quoniam haud facile soles credere (quae tui est ingenij
probitas) sequiori famae etsi vulgarissimae.

Non vero illa tantum ratione dissecta est in partes
Polonia, verum etiam in universum inter ipsos Equites
& Praelatos, quos penes ceteroquin summa est reipubl.
pestime convenit. Capita contentionum' (sunt autem
ponderis haud exigui) legere licet apud Piassecium pag.
444. Neque Equitum causae justissimae à republ. ullum
potest esse remedium, quum clerus curiae Papalis favore
se tueatur. Et tamen nemo prudens non videt, illa quae
Episcopi arrogant sibi jura, non posse salva republica ad-
mitti.

Quis crediderit *perro*, populum omnem ingenuum
F reliquum

reliquum amasse illam rempublicam, quæ sese exclusit ab honoribus adeundis? Non sane firmo est loco civitas quæ plerisque habet inhonoratos.

Longe vero iniquior est conditio plebis Polonicæ; quia durissima premitur servitute. Ceu jam supra audivimus, plebem agrestem Ruthenorum, ob summas injurias, in ipsos dominos suos arma corripuisse. Multo minus ergo plebs potuit præsentem reipubl. statum amare.

Taceo alias privatas lites, quibus Polonia hodie est referatissima, ipsomet teste Staravolscio: idque quoniam minus quam reliqua dissidia in publicum nocent. Etiam illa tamen animos ab amore publici status multum avertunt. Nihil etiam dicam de immani luxu pariter & luxuria, quibus ditissima patrimonia brevi absorbentur, & qui ad egestatem sunt redacti incitantur ad res novas. Non tamen quoque illam superbiam: quæ factum, ut alios tantum non omnes præ se contempserint Poloni, cum primis ipsos hostes suos. *Minimi sese semper fecisse Suecos, ultro fatetur Staravolscius. Silebo denique illam ditescendi cupiditatem, quæ aliquamdiu inter Polonos præter solitum exarsit. Prudenter tamen Staravolscius fatetur, illa cupiditate hoc effectum, ut minus publicis rebus modo sint intenti Poloni, & quicquid eorum privato commodo studeat: ex quo procerum assidua discordia, nobilium inobedientia, aula suspiciones, Principis contemptus, rerum neglectus passim.*

Non possum vero non tibi considerandum exponere immodicum illud libertatis studium, quæ luc laborat universa Nobilitas Polonica. Nec enim illa veram libertatem denique cupiit, sed in licentiam effusa nec leges amplius nec Regis aut magistratuum jussa audit: unoquoque plenum suarum rerum arbitrium affectante. Hoc enim

enim est evertere penitus rempublicam & convellere omnem societatem civilem. Certe hisce moribus rempublicam tueri salvam, unum est eorum quæ sunt impossibilia. Nec vero est quod sperare meliora quem jubent tempora mollia, quæ interdum hisce vitiis laborantes respublicas aliquamdiu sustentant. Simul enim vel domi vel foris gravior aliquis motus exoritur, respublicæ ejusmodi illico collabascunt. Perinde atq; domus aliqua aut navis lacera cælo benigno quidem superest & mentitur aliquod robur; tempestati tamen mox succumbit,

Atqui tantis morbis laborantem Poloniam invasit immani multitudine Moschus. Quî potuisset itaque non illa tota in tam potentis hostis ditionem pervenire? Et vèro pene omnem Lithuaniam, & Russiæ Poloniæ pleraque, insperata armorum felicitate, spacio temporis perexiguo Moschus jam subegit. Nec potuerunt Poloni dissimulare suam imbecillitatem, maximum ruentibus suis rebus præsidium à Tatara, capitali gentis hoste, expectando.

Iam ante ostendi, in tanto discrimine & tam præsentē, rempublicam suam non potuisse Polonos ita emendare ut esset par tuendis reliquis. Non obscurum vero est etiam ex iis quæ in medium attuli: etiam si tempus hoc admisisset correctionem; mores tamen eos esse, eoque rediisse Polonica omnia, ut nisi vi adhibita respublica quo par est modo componi haud potuerit, Numquid enim cui fiat verisimile, homines illis moribus & institutis non tinctos, non imbutos, sed plane immerfos, innutritosque, sponte sua, boni publici causa, mutaturos illa sibi adeo accepta, laudata, usitata? Alienum est hoc ab omni humano ingenio. Et vero quis illis persuadeat

suadeat, saltem improbum esse illud libertatis studium quo decuntur? Utque multis hoc persuadeas, cum paucissimi quid expediat publice, præ inanī cupiditate privata rei, intelligant, saltem apud plurimos doctrina sola nihil effeceris. Sed & qui intelligunt bona malaque, tamen raro ea sunt virtute, ut quæ intelligunt sentiantur.

Vi ergo quadam opus omnino fuit reipubl. Polonicae corrigi debuit. Vi, inquam. Nec vero tales rerum publ. morbos nisi vi sanaveris. Certe ut corporis ita & reipublicæ mala quædam ferrum & ignem exigunt: molli aut lenta medicina exasperantur augescuntque.

Cæterum nec domi (in ipsa inquam Polonia) partis alicujus, fuit vis par illic carcinomati edomando. Non Regis sane, non alicujus Nobilium ordinis illa fuit potentia. Utq; fuisset; attamen num pars victrix fuisset omnia ex usu publico compositura, per profecto est incertum. Ut sequiora quæque suspicemur, movent nos plærorumque morese fieri.

Quicquid hujus sit, non potuisse amplius Polonos Moschorum potentia resistere, ac proinde futurum brevi fuisse, ut omne illud Germaniæ latus barbaræ Moschorum tyrannidi & Tatarorum incursum nudaretur, haud dubie, perspecta penitus Polonorum republ. etiam tu, Nicanor, jam confiteberis. Cave, vero, dubites, Suecorum consilio & viribus impofterum ab illo quidem immenso periculo nos tutos fore. Favet illorum conatibus altissimum Numen: ceu palam est. Præest Rex, pietate non fucata, prudentia, dexteritate agendarum rerum, animi generositate & fortitudine, vigilantia, modestia, benignitate, clementia, nemini eorum quos hic sol vidit rebus magnis gerendis pares, secundus. Huic adma-

ad manum Senatus fidelis, gnavus, cautus; exercitus bel-
landi vetus, obsequens, numero magnus, virtute maxi-
mus, semper victor, nunquam victus. Abunde est pru-
dentiae ad componendam feliciter rem Poloniae: abunde
potentiae ad improbos & refractarios coercendos. Quanto
magis junctis Sueciae viribus idonea impofterum erit Po-
lonia, procul abigendis Moschis, Tataris, aliisque barbaris!
Non sine causa profecto jam tum Constantinopoli trepi-
datur ad hanc potentiam. Certe non major fuit Alexan-
dri vis, qua Persis superatis omnem Asiam domuit. Et
ex illis ad Pontum locis Gotbi quondam Macedoniam,
Graeciam, & Asiam populati sunt.

Legi quidem nuperrimi Polonorum Legati Christo-
phori Przimski orationem, ad Regem Carolum Gusta-
vum habitam: qua tumidus orator ille etiam hoc per-
suadere voluit, non posse feliciter Poloniam cum Sue-
cia conjungi, quod *distinctissima sint regna: divisisse naturam
maris: dissociasse constitutionem imperij & religionem: discre-
pare legibus, moribus, habitu, lingua: in nullo sibi populos hosce
esse similes nisi ferocia discordiarum omnium fomite.* Non po-
tui vero non ridere, haec à Polono eoque Casimiri Regis
Legato, dici: quum tamen jam sexaginta prope annos per-
petuos Polonorum Reges affectaverint in Succos impe-
rium, & Polonici Regni Proceres Regum suorum illa de-
sideria consilio, ære, milite juverint: imo cum in suam
republicam receperint Polopi ipsi olim, & Russos insti-
tutis sacris pariter profanisque multum alienos, & Borus-
sos Livonosque lingua & moribus semper, hodie etiam
religione diversos, & Lituanos denique cum adhuc foeda
barbarie & paganismo essent collutulati.

Distinctiones ejusmodi ob stare constituendae reipu-

blicæ alicui absolutissimæ omnibusque numéris perfectæ, fateor. At illam ut voto optare licet, ita assequi non licet. Platonice civitatis ea felicitas fuerit. De illa condenda nulla hodie deliberatio est. Gentes non minus atque Poloni sunt & Sueci, mari divisas & institutis differentes, in unum reipubl. corpus sic satis feliciter posse conerescere, jam à plurimis seculis inter omnes homines usu compertum est. *Ad linguam moresque alienos addiscendos ipsi Poloni longe sunt aptissimi.* Non dubitavit sane eorum ingenium hoc nomine commendare ipsemet Starovolscius: *quod non solum ad convicium atque familiaritatem quorumlibet faciles, verum etiam ad mores & imitationem eorum cum quibus vivunt, externarum præsertim, sint flexibiles, quod item libenter peregrinentur, & earum gentium linguas ad quas perveniunt cupide & facile addiscant.* Non sane *vel in medio Latio tam multos reperiri cum quibus Latine posis loqui* (quod idem dicit) verissima Poloniæ laus est. Ut mores aut habitus aut leges omnium iudem sint, non est necessum in republica, qualem constituere vulgo solemus. Satis ergo fuerit; si imposterum uterque populus conveniat in légibus, quæ utriusque salutem bonumque commune attinent. Nec ea est ferocia Suecorum (quod Przimsky forte existimat) quæ Polonum non ferat. Germanicus genti animus est: qualem in Prussis & Livonibus Poloni utique non sunt averlati. Ne Polonorum quidem ea ferocia fuit, ut non ultro sibi experierint Regem olim quidem Lithuanum Jagellonem, non adeo pridem Henricum Vallesium Gallum, Stephanum Bathorium Hungarum, Sigismundum Svecum: imo non passi sint per aliquot centum annos Germaniæ nostræ Reges sibi dominari, Quod si quorundam major hodie

hodie est *ferocia*, cogitemus *vetus illud*:

Nemo adeo ferus est qui non misescere possit.

Non desunt remedia compescendæ ferociæ, & mitigandis superbis pectoribus.

Maximum concordæ statuinandæ obstaculum videtur fore Papalem religionem, qua plærorumque procerum aliorumque animi fascinati sunt. At vero jam audivisti, Nicanor, plurimis seculis, Russos Græcis sacris adiectos cum Polonis Latinorum rituum asseclis pacate in unam rempubl. coaluisse: inter eosdem porro Polonos & Protestantes sic satis bene convenisse: donec Iesuitarum magisterio in odium omnium dissidentium multi Polonorum incensi sunt. Non diffiteor, manente illo amaro zelo, sinceram aliquam animorum unionem haud sperari posse. Potest vero & ille in concordiam paulatim temperari modo non uno, tantum si removeantur è medio illi incendiarij. Nec vero fortassis fiet hoc invitis multum Polonis ipsis: utpote quum jam ante hos quadraginta annos idem agitaverint procerum complures, quod libri tunc editi docent: & *annui reditus habeant* quidem illi magistri, *plus quadringentis millibus, tanto sumptu tamen tamque iasano, oratorem nullum, Historici Politici ne umbram quidem, Semitheologastros Scholasticos aliquot, Philosophum sesquialterum, qui non dicere sed dictare tantum sciat, habeant*, quod ipsa Academia Cracoviensis illis publico libro exprobravit.

Sed non est quare nos, Nicanor, ea cura mordeat. Deus qui inusitata felicitate Suecorum arma hætenus fortunavit, Serenissimo Regi ejusque prudentissimo Senatui consilia componendæ reipublicæ non denegabit. Et vero quidni hodie præstent Suecones Gothique, quod olim

olim æterna cum nominis laude Westrogothi Ostrogothique in Italia Hispania & alibi præstiterunt? Imo quod Gothi quondam effecerunt in ipsis illis Polonici hodie Regni provinciis. Ex Iornande sane discimus, Gothos simul trans Vistulam migraverunt, gentem Spalorum (quæ est ipsa nostra Polonorum trans Vistulam tunc habitans) victricibus armis superasse, & denique Hermenerico Rege (quo tempore Gothi Ruliam rubram, & Warchiam incoluerunt,) omnes populos inter mare Balticum, Euxinum pontum & Danubium suo imperio subiecisse. Nec tamen est quare hisce antiquis exemplis optima quæque nunc sperare te jubeam, cum alia sint ad manum recentissima. Ego potius quoniam tuis dubitationibus, nisi fallor abunde satisfeci, & jam modum pene excessi epistolæ, tandem desino. Deum autem veneror, ut pergat favere victricibus inclyti populi armis, nobisque Germanis integram servet tranquillitatem. Vale, vi Kal. Novembr.

CIO IO C LV.

F I N I S.

— *Arma ferenti*
Omnia dat qui justa negat.














ML

